

東風到咸陽吹起原上柳  
 依然出關去迷却平  
 陵道此處漸入陽  
 得似江南好  
 觀山懷古

志咸陽志關中名勝集  
 四十有六門人教謚文苑先生所著崑山

玉峰詩纂卷二

皇明

殷奎 奎字孝章崑山人洪武初以薦試  
高等擢任有司念母老乞近地便養忤旨  
改咸陽教諭在任四年思母鬱鬱而死年  
四十有六門人私謚文範先生所著崑山  
志咸陽志關中名勝集

春草

東風到咸陽吹起原上草偶然出門去迷却平  
陵道此處斷人腸得似江南好

驪山懷古

三言集卷二  
繡嶺岩堯十九盤翠華當日駐層巒慣聽羯鼓  
花前鹿爭舞霓裳月裏鵞函谷東開無復夜雪  
山西顧不勝寒可憐一泓湯泉在國恥千年洗  
未乾

除夕

一身漂泊路三千長樂坡前逆旅邊寒榻愁眠  
殘雪夜不知明日是新年

贈衛武孟二首

名淇文節公五世孫

桑海茫茫不可論衣冠鄉里幾家存咸陽渡口  
秋風裏驚見開禧執政孫

栗亭薯蕷耕雲熟同谷黃精斲雪深恐有詩人

在山野使還為我一相尋

渭陵

炎精八葉已中衰千載荒陵竟屬誰寢殿有垣  
悲躑躅苑門無地覓罟罟祥開沙麓溝中絕禍  
變增塤土未夷颯颯涼風吹客鬢不堪興感立  
多時

婁侯廟

子布文武才鼎峙非本志伯言社稷臣早定西  
龕計霸功照吳甸侯封啓婁地何以慰遺民於  
焉崇祭祀

俊按陸遜字伯言仕吳為鎮西將軍張昭

字子布仕吳為輔吳將軍皆封婁侯昭子  
休為揚武將軍襲封婁侯廟食茲土久矣  
其廟在邑東北婁縣村蓋并祀鎮西輔吳  
而揚武亦祔焉或云鎮西輔吳二墓皆在  
廟之東南愚不其然祠室可以並尊隧域  
不容雙峙則或張或陸居其一未可知也  
嘉靖間邑令河南宋伊聿新祠宇于時搢  
紳大夫盛陳牢醴祀之後亦從俎豆之後  
爰賦詩二章漫錄于此

涼颼起高樹

始旭照澄川浮艫沉霞彩弭棹遵江壩延  
首西北望禾黍匝丘田墟疇對茅宇桑竹

藹阡眠青蒼綴遠色林嶂灑踈烟左眇犀  
璩榜右睇琳瑯鐫徘徊顧寢廟丹雲冒華  
椽肅穆儼俎豆翩翩珥貂蟬惟馨崇世紀  
俛仰式茲賢洗沐秉昭曠郊垵儼周旋方  
惻陵谷改甫矚丹青縣愧虛白雪引聊薦  
綠水篇 其一 黃旗鬱牛斗炎光歛

淪殄三雄矜虎視九野酣龍戰栢栢張公  
武內事承英眷瑾戶若矯迹攀臺斥沉酒  
投刃旌直讜具僚惕威眄顯允陸元宰夙  
昔延州彥箕裘表風素帷幄徵神變蜚聲  
洞三浦庸勲蓋百縣秣京富才華蘭藻披

王季詩集卷二  
三  
芳讌寅亮鼎趾凝夾輔淮荆奠揆文曄圭  
冕觀兵耀組練河洛屢震疊巴夔亦呵譴  
錫壤䟽婁渚分符襲吳甸雙井蔓秋蕪千  
載徒流泫朱鳳何歲誕甘棠轉葱蒨愛而  
不可忘悵矣容音緬 其二

楊基 基字孟載其先蜀人家吳中元亂  
隱天平山後客饒介所 王師平江南以  
基為饒氏客安置臨濠放歸累官至山西  
按察使復被讒奪職基偕高啓徐賁張羽  
稱吳中四傑有眉菴集

雨中效韋體寄李迪止仲道衍仲溫

別君俄兼旬芳景已云暮南風吹新綠欲暗庭  
前樹騶鳴孤駟晚鴉散春城曙矧此慰離憂新  
知忽成故

宿高季迪京館

歲晚此相逢鄉情似酒濃語長銷夜燭夢短及  
晨鐘急雪風鳴葦微雲月照松鷄前趨關去寒  
樹曉龍葱

懷吳中赤山舊業

漸與世紛遠自然塵慮消沿隨碧溪水徑度綠  
陰橋岐路迷還識孤村近却遙閑身任來往不  
為野人招

春州

嫩碧柔香遠更濃春來無處不茸茸六朝舊恨  
斜陽裏南浦新愁細雨中近水欲迷歌扇綠隔  
花偏襯舞衣紅平川十里人歸晚無數牛羊一  
笛風

春日白門寫懷用李迪韻

得歸雖喜未忘悲夢裏愁驚在別離尚短柳如  
新折後已殘梅似半開時江雷殷夜虫蛇早山  
雨崇朝蛺蝶遲製取烏紗籠白髮免教春色笑  
人衰

宜秋軒對月

坐久星繁影漸虧也應天轉玉輪歎蔡丘伯主  
初盟後天寶君王欲倦時繞樹鵲驚霜落早吟  
簫人恨夜眠遲不須戚戚悲員缺長使清光灑  
酒卮

初歸吳中感事六言

附郭好山遠近遶城流水西東人哭人歌夜月  
花開花落春風

天平山中

細雨茸茸濕棟花南風樹樹熟枇杷徐行不記  
山深淺一路鶯啼送到家

故山春日二首

寂寂青山一鳥啼紫藤花落午風微不知刻漏  
長多少但覺桐陰半日移

陌上誰尋雨後花山中人摘雨前茶陰陰樹木  
青青少可是王家與謝家

春暮西園雜興

踈踈簾影漾微波庭戶無人鳥自過一樹楊花  
三日雨池塘春水綠萍多

憶挹翠亭聽歌示徐幼文余唐卿

清歌一曲動梁塵只憶當時淚滿巾何況春歸  
花落盡眼前飄泊兩三人  
春盡聞鶯有懷季迪

一聲黃鳥喚愁醒已是南風綠滿庭客裏得聞  
休恨晚故園知有幾人聽

舟泊南湖有懷二首

紗衣羅扇一時裁兩兩三三作伴來正是吳中  
好風景范家園裏杏花開

單羅小扇夾紗衣冠子梳頭挿翠微知是范家  
園裏醉無人不戴杏花歸

德安道中

石橋斜日萬山陰雲滿寒溪雪滿林獨有梅花  
看不厭江南春色故園心

梁園聞雁有感

萬里飛來一雁聲  
梁園枕上夢初醒  
誰憐今夜江南月  
又是空齋獨自聽

表華 華字子英  
崑山人性穎悟  
讀書一  
二過不遺  
洪武初授郡學官  
以子累被逮  
卒

同仲瑛汎婁江舟中即事

六月橫塘水漫沙  
清明風起豈將花  
憶同對榻頻更燭  
喜共臨風得汎槎  
盃送白蓮狂客酒  
刀分紅肉故園瓜  
草堂嘉處只尺許  
梧竹清陰生晚霞

寄盧伯融

浮家南北久離群  
知爾移家向海濱  
白首一經能教子  
黃茅千頃比封君  
異鄉花鳥皆春思  
故國關山半夕曛  
何日酒船還舊里  
青山對榻坐觀雲

次韵答仲瑛見寄

草堂東郭帶烟蘿  
門外高軒客屢過  
鄭國上卿知叔向  
新豐逆旅薦常何  
柳迷官道鶯遷谷  
花映春江水動波  
已許芝雲分半席  
嘉時行樂醉時歌

端陽曲次許彥溫都督韻

蘭湯試浴銅龍吐  
美人倭墮釵懸虎  
竹粉吹香

撲燕泥猩紅血點梅花雨絳紗籠內蟬翼輕木  
難絡臂如珠纓赤靈符佩練囊小宛轉中鎖相  
思情鎮東大閱臨細柳甲光照曜狡狴口金僕  
姑穿楊葉飛帳下酣呼急傳酒寫輿北狩龍沙  
長橐駝鼓鳴白日涼侍臣萬壽獻天子紫霞玉  
醴浮昌陽

搗衣篇送史仲先遊淮東

碧梧葉落黃菊開邊風肅肅鴻雁來夫君結客  
向淮楚無衣禦寒良可哀強將垢敝和灰澣糊  
緋臨流呼女伴雙杵搗砧空外鳴寧憚手龜筋  
力煥火然金斗熨帖平紉針補綴對短檠歸期

遲速未易卜縵長緝短勞經營明年四月蚕上  
薄縑絲盈車手親絡香羅斷機白雪明裁作春  
衣寄郎著郎毋厭故惟尚新新衣故衣皆妾紉  
咲看墻角砧杵葉郎衣錦袍歸拜親拜親有  
金不戲桑間人

賦得江上女

蓀橈送桂旌逶迤多冶情板條約翠袖掬水弄  
璚英清吹隨風度纖腰束素明家居白下里夫  
成洛陽城明光朝執戟細柳夜分營許國承恩  
重忘歸念妾輕貞心似江水朝夕向東傾

無題

羣曳湘羅漾麴塵雀釵小珮玉麒麟紫簫偷按  
雲中曲彩筆慵傳鏡裏真蝶粉膩花金作縷雁  
沙回雪翠為茵若蘭錦字多華麗不減風流賦  
洛神

客吳興春日偶成四首

曾聽吳門唱大隄只今惟有野烏啼故人魚雁  
憑誰寄江水無情日又西

龍鳳山青露兩尖谿頭把酒月纖纖從教柳絮  
霑書帙滿地春風不捲簾  
檀林日暖蕨芽生桑隴風微布穀鳴客子思家  
正愁絕長松吹雨落谿聲

深鎖春風罨畫樓杏花香裏醉扶頭何人得似  
任公子相府蓮歌不解愁

郭翼 翼字義仲岷山人工詩以訓導終

所著有林外野言

柳塘春

陰陰覆地十餘畝孑孑迴塘二月風雨過鷗眠  
沙色裏花飛鶯亂水聲中

城南艸堂與仲瑛夜話

花發艸堂風雨春青鐙剪韭話情親亂離隔世  
今何夕生死論交竟幾人城郭是非華表鶴蓬  
萊清淺海中塵三千賓客馬驩在莫恠商歌撫

五言詩集卷之六  
地  
劍頻

春波曲

妾家紅渠曲綠水春滿滿鷓鴣不肯飛雙栖落花暖

栢王墓

客行古城下有栢王墓古城多秋少牛羊下來暮

秦約

約字文仲自淮安徙崑山元時為

崇德教諭洪武初應召拜禮部侍郎母老辭歸載徵詣京以年老難任煩劇得深陽教諭乞歸有樵海集師友話言樵史補遺

詩話舊聞崇明志

瞿惠夫南園

惠夫名智自嘉定徙崑山性嗜學家貧晏如也

古鐵塘西博士家高軒瞰水築新沙階頭雨長  
青裳少池裏風搖白羽花丹頰老人馴野鹿斑  
衣稚子弄慈鴉未應北郭田二頃更置南樓書  
五車

懷陳敬初

青青蘭芷照春袍春雨流肪滿綠臯秦國總傳  
歌駟鐵浚郊無復賦干旄神魚衝岼江濤起威  
鳳巢林海日高何似桐花花樹下玉罌翠杓汎  
香醪

寄懷顧仲瑛

柳塘飛閣畫橋低  
蒨石聽鶯淑景移  
不但鄭莊能好客  
也應顧况最能詩  
采鉛日出辛夷塢  
洗玉春明菡萏池  
多少東華冠珮者  
相逢都說虎頭癡

余燠 燠字茂本  
崑山人少有雋才  
為人長者  
洪武初以太學生授承勅  
即進通政司叅議  
拜吏部尚書

遊馬鞍山

兩年不到翠微寺  
載酒重過百里樓  
四海共趨龍虎地  
百年今見鳳麟洲  
天聲隱江聲  
小日

氣逼連海氣浮文筆峰  
頭望南北五雲深處足神州

易恒 恒字久成  
自廬陵徙崑山家貧澹如也

海樵篇為秦文仲賦

有樵何好奇不與衆樵侶  
樵海不樵山樵也安  
所取東有扶桑根西有若木枝  
生長雨露外不受斤斧欺  
誰能超溟滓採為薪與蒸  
寘彼洪鑪中陶鑄品物形  
滄溟渺無際詎云不可超  
有時變桑田幾見塵埃漂  
朝過龍女宅暮宿鮫人館  
珊瑚間珠樹露下光纂纂  
天吳與海若睥睨不

敢惜過之樵不顧何異爨下櫟逶迤度弱水仿  
佛蓬萊宮至今採藥者猶是秦兒童相將邀我  
去縹緲白雲際空青石上生瑤光雜如罽挹我  
紫霞漿侑以蒼鱗脯問我人間世如今幾今古  
今古樵不言浩歌凌紫烟笑指斧柯爛柯爛知  
幾年歸來問茅屋只在東海隅鑿火煮白石高  
卧哦詩書采樵不在薪煮石不療飢閉戶喚不  
起不怪旁人嗤却嘆朱買臣老作會稽守辛勤  
取富貴于今竟何有君為樵海人我歌樵海篇  
歌竟海月出鶴語風泠然

草堂菴聞磬

久聞草堂磬窅窅出西林江應虛還響風迴香  
復沉僧空定中景人閑物外心坐久夜深寂笙  
鶴空遺音

郭章

章字仲達崑山人工詩文官至通

直

夕秀軒

柳暗西津橋步斜長川練練若縈地晚來不為  
東風惡與子留連待月華

盧昭

昭字伯融閩人隨父均華至崑山

家焉洪武初為揚州教授

過吳淞江

霜林纖月墮疎烟有客同舟思欲仙何處吳歌  
聞白苧滿江秋色坐青天

顧祿 祿字謹中華亭人洪武中與公武  
同司制誥公武已逝而其子為武康丞因  
感往事漫為此詩

題鹿城隱居 盧公武卜築處

舍人長詭舊湖田政近崑山紫翠前來耜曉耕  
黃犢雨釣絲晴颺白鷗天憶陪簪筆趨三殿每  
念遺文慟九泉今在吳興題画卷喜逢英嗣話  
當年

朱吉 吉字季寧崑山人澤民之子洪武

碧彩仙霞不受塵索鈴曾護蝶來頻今年枝透  
墻難禁春色輕分與路人


晚春

紅已消零綠未齊流鶯啼罷讓鶻啼離人不許  
登高望少入天涯思轉迷

偕孫經歷到澤州驛馬上留別孫大叅一首  
江南天北兩離人今日初從驛路分立馬却憐  
君不見一鞭隨雁入寒雲

嘗鱸魚

雁將初影破雲端病客迎鱸且強殮多少時人  
知此味張翰何事獨休官



原件短缺

缺13.14

五峯詩集卷二  
答友人得廣西書

家書來自海西邊為問行經路幾千荒少蠻烟  
不知數今看月是第三圓

題畫六言

自亂拋家十載歸來少木還春舊業不知誰住  
過橋為問西隣

陽城湖

四面水涵天相望百餘里鳥去飛不窮青天浸  
波裏

九里涇

岍狹水長明帆經樹杪行路因通各浦不絕棹

歌聲

王履 履字安道崑山人俊嘗披其遊華

山圖已閱五十餘禩夢寐神遊焉茲覽安

道始入華山至西峰上南峰過東峰宿玉

女峰諸記興象會心輒圖之凡四十方圖

上系以詩如其圖數予攬纓嘆曰瑋哉王

君英英斯遊大江以南乎一異人也不然

安有斯况有斯圖而復有斯篇章以闡西

嶽秀拔之神雄特之觀於千百載之後哉

李夢陽曰古人遊歷華山若漢蔣卿宋陳

希夷志不在遊太白所登落雁一峰少陵

惟側身仰望昌黎雖度青柯平竟慟哭而  
返用是觀焉則有餐霞之士偃仰岩壑徒  
自枯槁而皆無與于茲山之元神也已王  
君其自稱曰圖傳神記志事詩道性情此  
三者所以不能已於太華之遊也太華天  
下名山之冠也可無圖歟無記歟無詩歟  
予以三者備矣然非有飛挾凌虛之興亦  
將中道而止故知古人擅遊華之勝者王  
君一人而已其遊時歲月則洪武辛亥也

鏡泉

微漣不動見容成忘却蟬鳴與鳥鳴忽有小風

輕颺過時移清影上巖亭

玉女峰待月

萬松林裏夜蕭蕭月影來時轉寂寥試看影從  
何處起正東峰上水波搖

逢雲歸可愛

一朵雲歸靜徘徊正好看匆匆恐驚散不敢上  
林端

西峰

渭水戴殘日金蛇爛西遊分先到岩阿我在岩  
之幽平田豁萬里紫烟日邊浮參差野人居明  
滅蘆花洲複嶺下回抱攢峰上森稠大松紛仰

千數至幾萬休崇岡少一無鰲背濶且脩杖藜  
立背端烈烈長風道鬱勃當此時尚待隨風流  
壯觀不可言何山敢同仇西方金屈蟠氣發難  
自收化作神秀區壓低四嶽頭吾今幸何深頓  
愜半世謀明當過南峰今宵且夷猶尋詩志所  
歷一毛於九牛

顧達 達吳郡人

春草池

碧色漲春雲圓文生暮雨稍平楊柳岬已沒鵝  
鵲渚錦鱗唼萍遊蘭棹隔烟語曲闌倚東風懷  
人渺南浦

盧儒 儒字為已崑山人博學工詩善筆

札天順初為中書舍人一日

上命為靈賦甚亟群公未能即就儒援筆  
而成一時共為驚嘆

玉山嘉趣卷

弱植寡榮慕丘壑協幽襟結構傍岩阿開扉依  
水濤早窺白雲谷夕眺蒼烟岑嵐霧紛菴苒術  
徑悶陰森屢信獨往願所適窮討尋始訝礙回  
磴忽覺通密林垂袂承緒風曳杖肆微吟步緩  
忘疲蹇興遂登欽岑翻碑字文滅予塚蘚苔侵  
惠政佇民思紀詠遺芳音仰賢覽八極萬化歸

消沉惟有綿清譽亮可徵古今

顧瑛 瑛字仲瑛崑山人少豪俠自喜年三十始折節讀書才藻敏麗談笑輒成篇章輕財好施予招致賓客慕戰國田文之為人亭臺樓榭環匝園池據林阜之勝處其館者人人自以為得愜其心書畫彝鼎祕玩與餽秣聲伎豐美侈溢度孟嘗或未之有也仲瑛材局意氣雄傑一時志欲有為而元政不綱再辟不就故托於景物詩傳以自適焉張士誠入吳遂隱樵李之合溪其逃禪也以辟姑也以子元臣恩封錢

塘縣男洪武初隨其子遷臨濠卒塋于吳張仲舉待制以京中海上口號見寄瑛以吳下時事答之

白晝驚風海上號水軍三萬盡乘濤書生不解  
叅軍事也向船頭着戰袍

冉冉長蛇漢水東噓成黑霧滿虛空腥風怪雨  
重陰底化作黃蚪不是龍

莫辯黃鍾瓦缶聲且携斗酒聽春鶯河西金盞  
新翻譜漢語夷音唱滿城

紅綠油牌去復來長身碧眼更頌頌口傳催辦  
軍需事一日能無一百迴

和糴糧船去若飛魚春帶夏未曾歸用錢贈米  
該加七納戶身懸百結衣

題宋徽宗仙山樓觀圖

宣和天子昔神遊鳳駕行空過玉樓此去有人  
言赤馬歸來無處逐青牛分明良嶽通玄圃想  
像方壺接祖洲莫把仙山作圖畫瓊花琪樹不  
勝秋

乙未和孟天暉都司見寄

江頭日日惜芳時三月春光兩鬢絲拔劍自歌  
還自舞邑人誰識虎頭痴

治安無策濟時艱始信金銷壯士顏怪底颯風  
翻漲海浪頭一直過狼山

獵獵東風吹火旗水軍三萬盡精肥一春殺賊  
知多少箇箇身穿濺血衣

婁上人家不識春簷頭蛛網亦生塵朱門桃李  
皆零落只有東風未嫁人

聞道君王自早叅每虛前席問江南何人醫手  
如秦緩有客能基似李憨

題趙子昂畫楚江春曉

東方旭日出曛暉照見巴江曲似弓莫遣猿聲  
到巫峽山頭猶有楚王宮

天寶宮詞十二首寓感

天寶雞坊寵賈昌不教蝴蝶上釵梁錦棚畫浴  
天驕子絳節朝看王大娘芍藥金蘭開內苑蒲  
萄玉觥酌西涼月支十萬資臉粉獨有三姨素  
面粉

五家第宅近天家侍女都封繫臂紗池上桃開  
銷恨樹閣中香進助情花風迴輦道寫鈴遠日  
射龍顏雉扇斜韓虢並騎官廐馬醉撓丞相踏  
堤沙

蓮花池畔暑風涼玉竹迴文寶篋光貪倚画屏  
翡翠誤開金鎖放鴛鴦輕綃披霧誇新浴墮  
髻欵雲銜晚粧笑語女牛私語處長生殿下月

中央

五色卿雲護帝城春風無處不關情小花靜院  
偷吹笛淡月閒房背合箏鳳爪臂枳封鈿合龍  
頭瀉酒下瑤鬢後宮學做金錢會香水蘭盆浴  
化生

龍旂孔蓋擁鸞幢步輦追隨幸曲江鳥道正通  
天上路羊車直到竹間窓桃花柳葉元無主燕  
子鶯兒各有雙中貴向人言近事風流陣裏帝  
先降

祕閣香殘日影移燈分青玉刻盤螭琵琶鳳結  
紅文木弦索蠶繅綠水絲金屋有花頻賭酒玉

秤無子不彈碁傳宣趣發明馳使南海今年進  
荔支

近臣諧謔似枚臯侍宴承恩得錦袍扇賜方空  
插蛺蝶局看雙陸賭櫻桃翰林醉進清平調光  
祿新呈玉色醪密奏君王好將息昨朝馬上打  
圍勞

虢國來朝不動塵障泥一色綉麒麟朱衣小隊  
高呵道粉筆新圖徧寫真實雀玉蟬簪翠髻銀  
鵝金鳳踏文茵一從羯鼓催春後不信司花別  
有神

十三女子擘篴笳選作梨園第一流却道荷花

真解語豈知萱草本忘憂紅鸞不照深宮命翠  
鳳常看破鏡羞舞得太平并萬歲五年誰賜錦  
纏頭

五王馬上打球婦贏得宮花獻貴妃樂起閣門  
邊奏少禍因臺寺諫書稀侍兒隨幸皆頒紫殿  
子蒙恩亦賜緋姊妹相從習歌舞何人能製柘  
黃衣

新製霓裳按舞腰喉他飛燕怕風飄玉簪倒卧  
蟠條脫金鳳斜飛上步搖雲母屏開齊奏樂沉  
香火底並吹簫只因野鹿銜花去從此君王罷  
早朝

王季詩集卷之六  
宮衣窄窄小黃門躑躅初開賜縹盆夜月不窺  
鸚鵡冢春風每憶鳳皇園愛收花露消心渴怕  
解金呵見爪痕只有椒房老宮監白頭一一話  
開元

呂誠 誠字敬夫崑山人博貫經史所居  
園圃有山林之致構來鶴亭屢聘不就卒  
南行舟中二首

轉參移斗送年華碧落青松夢裏家近似盧敖  
遊汗漫遠如賈誼謫長沙  
荔枝花發暗蠻村孔翠驚寒減翠紋也有北人  
開眼處碧山無數插紅雲

番禺漫興

莫言南海是天涯遠客何妨歲月賒豈為居夷  
忘故土直須浮海上靈槎藥洲石卧仙羊去著  
塔風高鐵鳳斜白首飄零誰慰藉幾迴松菊夢  
還家

遊白雲諸山

瑤草春深白鹿眠丹霞樓閣翠生烟偶來石上  
尋碁局猶恐歸時不記年

舟中望廬山

廬山昔在圖中見落星渚前今始逢雲嶺半巖  
紅葉寺霜風遙遞翠微鍾龍君或居彭蠡澤仙

人愛住香鑪峰雙鳧之鳥倘可借飛入前頭聽  
玉淙

三江詞二首

三江口頭日欲晡三江兒女自當墟今朝南浦  
送郎去望斷東風檣上烏

檣頭五兩逐風輕聽得吳歌悵別情一片劉家  
河上月照郎直到定遼城

漫興三首

寂寂高門大道邊東風愁鎖綠楊烟大兒已入  
滇池戍婆婦空耘壟上田

頽服戎戎萬里行風滄水宿事宵征金沙紅繞

烏蛮砦越雋山連孟獲城

雨餘江色碧浮空一髮青山落照中去棹愁歌  
桃葉渡行人愁殺柳花風

寓言

苦瓠若懸癭宜瓢亦宜笙笙將用合雅歌以供  
酌烹吾為苦瓠謀任力不任聲薦勞劓焉間自  
足資養生物賤終反貴吹萬豈其情

寄鄉友福州別駕二首

烏石山前聽訟時石榴洞口看雲飛馬蹄好踏  
官街月人在青榕影裏歸

釀來南酒甜於蜜愛浴山泉熱勝湯退食自公

微醉後小姬和葉進檳榔

荆溪棹歌二首

荆溪溪上晚山稠沙棠港口木蘭舟裏頭女子  
唱歌去水色山光總是愁

溪上雪消春水高鵝黃新柳映長橋橋頭人家  
好春酒無情長與駐蘭橈

竹枝詞二首

臘月欲盡正月來柳條弄色早梅開年華却似  
東流水又見青山塞雁迴

臘肢山頭雨雪飛臘肢山前人苦饑山下斧斤  
夜達旦山上閑雲長自歸

感興

靜室無塵少客過新篁陰曳小坡陀朝來始悟  
春歸盡風裏楊花似雨多


盛或 或字季文崑山人有歸吳岡集

過漢浦塘有感

涼飈生綠浦鳴櫓對青山感舊人何在傷秋客  
未還身名難自保世事故相關誰識桃源路携  
家老此間

宿崑山城南田家

片玉山前烏鵲飛遶枝三匝不成棲無端驚破  
歸鄉夢岼岼秋風絡緯啼



原件短缺

王峯詩集卷二  
楊維禎 維禎字廉夫會稽人旅于華亭  
詩文溺志浮俚未協雅道章縫之士聲趨  
影附翕往從之迺偃然自恣以為曠世之  
詩俠也而豈其然哉故其詩合作者鮮矣  
懷仲瑛

五月江聲入閣寒故人西望倚闌干珠簾新捲  
西山雨第一峰前獨自看

偶栢 栢字武孟家桃源涇洪武中為荆  
門州吏目有江雨軒集鳳臺醉吟吟嘯集  
弔劉改之墓 劉過字改之嘗抗疏光宗陳  
恢復方畧辭甚剴切不報晚依岷山令潘

訪沈士怡丹房

遶屋丹光炫曉霞隔溪山色映鷗沙幾回談笑  
停杯坐簾外春風落杏花

孟忠 忠字廷臣岷山人洪武初以賢才  
薦授武寧知縣致仕 成祖思 高皇帝  
舊臣欲召用之堅辭不赴賜敕嘉焉以壽  
終紹曾始祖

登馬鞍山感述

汲水堤邊楊柳花東風吹散五侯家江南一去  
繁華遠夢覺青山自煮茶

曹睿

三峯詩集卷二  
登玉山贈孟季成

鹿城山色似春雲  
山下流泉繞舍分  
霑賜龍團  
歸日近停橈  
先訪孟叅軍

陸麟 麟不知何許人

綽墩

杖藜重上北山巔  
此日登臨思惘然  
野色一林紅葉外  
湖波萬頃白鷗邊  
村春戰哭雲連屋  
漁笛夷歌月滿船  
歸棹匆匆到溪上  
人家燈火未成眠

玉峰詩集卷二

登玉山贈王季成

鹿城山色似春雲山下流泉繞分雲點龍圖

歸日近停杖先訪王季成

陸麟麟不知何許人

詩

紅葉重上北山巔此日登臨思惘然野色一林

人家塔火未

紅葉外胡定南頭白鶴登詩春戰楚雲連屋燕

人家塔火未

紅葉外胡定南頭白鶴登詩春戰楚雲連屋燕

人家塔火未

